

تاریخ عثمانی انجمنی

۱ اگستوس
۱۳۳۱

پنجمی سنہ
نومبر ۳۳

مجموعہ سی

علاءالدین جامع شریفی - قره طای مدرسه سی

علاءالدین جامع شریفی قونیه‌ده موجود جوامع شریفه‌نک‌ک بویوک‌دیر. اکثریمی اسکیدن قاله و بر قسمی سوکره‌دن یایله مختلف الاشکال ستونلر و باشلقلر اوزرینه استناد ایتدیرلش و اکثر اقسامی طام و طور پراقله اورتولش اولان بوجامع کیری اولا اوج قسه آیرمق لازمدر. برنجی قسم بویوک محراب ایله قبه‌نک بولندینی محلدیر. ایکنجیسی بونک صول طرفنه تصادف ایدوب کوچوک برحرابی محتوی اولان قسمدرکه بو محراب بویوک محرابه موازی دکلدیر. اوچنجیسی‌ده بویوک محرابک صاغ طرفنده کی قسمدر.

برنجی قسمک اساساً کلیسادن مبدل اولدینقی کوسترر بعض امارات واردر. اوده علاوه ایدیلن قسملرله قبه‌نک تصحیح ایدلش اولماسی و ۱۳۰۷ تاریخنده اجرا ایدیلن تعمیر ائناسنده بویوک محرابک بولندینی محلدیر و بو محرابک طیش طرفنه تصادف ایدن تمل طاشنده خاج شکلرینک کورلمه‌سیدر. کلیسادن مبدل اولان بوقسمک اوزرنده کی جینیل قبه‌نک سلطان رکن‌الدین مسعود طرفندن بنا ایدلدیکی قویاً محتملدیر. بو احتمالی تأیید ایدن دلیل ایسه جامع شریف مذکورده کی مصنع منبرک مشارالیه طرفندن اعمال ایتدیرلدیکنه دائر جبهه منبرده کوریلن و آشاغیده عیناً نقل ایدیلجه‌نک اولان برنجی کتابة‌در.

شو حالده سلطان مسعود مذکور منبری، تبدیل صورتیه تأسیس ایتش اولدینقی مذکور جامعه قویدیرمق اوزره یایدیرمش ایسه عمری مساعد اولمادینقی ایچون رهنمه موفق اوله‌مامش و مؤخرأ مخدومی ایکنجی قلع ارسلان کندنی ناسه ناند اولان ایکنجی کتابة‌ی مذکور منبره

علاوہ استدیرہ رک پدینک بو آرزوسنی برینہ کتیر مشدر .
ایکنجی و اوچنجی قسم ایسہ عزالدین کیکاس اول طرفندن آلتش
آلتی سنہ سوکرہ توسیعاً انشاسنہ باشلامش و برسنہ سوکرہ برادری
علاءالدین کیقباد اول طرفندن آتام ایدلش اولان عخلرددر . جامع شریف
مذکورک مشارالیہ علاءالدینہ نسبت ایدلسی ایسہ یالکز بو ایکنجی
انشا آتی اکالہ موفقیتی جہتیلہ در . یوقسہ بانی اول و نانیسی اولملاری
اعتباریلہ دکلددر .

قاپوسی جامع شریف داخلندہ بولنان و سلاطین سلجوقیہ دن سکر
ذاتی آغوش ابدیتہ آنان امرامی تربہ نک ایکنجی قلعج ارسلان طرفندن
بنا ایدلایکنندہ ہیچ شہہ یوقدر . چونکہ تربہ نک خارج کمرندہ کی
کتابہ قلعج ارسلان نامنہ محرردر . مذکور کتابہ نک تاریخی احتوا ایدن
قسمی دوکولمش و دیگر اقسامنک دہ دوکولمک اوزرہ بولندینی مع التأسف
کورلشددر . سلطان علاءالدینہ نسبت ایدیلن تربہ مذکورہ نک ایکنجی
قلعج ارسلان طرفندن بنا ایدلایکنی صراحتاً کویسترمکدہ بولنان بو
کتابہ بی و ثائق مهمہ تاریخیہ دن عد ایدیور و شو نسبت مشہورہ بی
تسحیحہ مدار اولدینی ایچون قید و ضبطنہ موفق اولدینمز پارچہ لرینک دہ
عیناً نقلی موافق بولویورز :

(امر بسمارۃ السلطان المعظم عزالدینا والدین رکن الاسلام والمسلمین
فخر الملوک والسلاطین سلطان بلاد الروم والشام ابو الفتح قلعج ارسلان
بن مسعود بن قلعج ارسلان ناصر امیر المؤمنین اعدالله . . .)
کتابہ مذکورہ دن بر درجہ قدر تربہ نک تاریخ انشاسی دہ او کر نمک
ممکندر . مشار الیہ قلعج ارسلانک ۵۵۱ تاریخندہ قونیہ تختہ جلوس
واوتوزسکزنسہ اجرای حکومت ایتدیکنہ کورہ تربہ بی دہ ہر حالہ
بومدت ایچنسدہ وجودہ کتیر مہسی لازم کلیر .
شمالہ ناظر پنجرہ نک اوزرندہ کی کتابہ بیہ نظرماً بو تربہ نک (یوسف بن

عبدالغفار المرجی) نام معمار طرفندن یاییلینی آکلاشلماقده در. کتابه عیناً شوردر :

(عمل یوسف بن عبدالغفار المرجی غفراللهه ولجیع المسلمین)

تربه مذکورہ نك اثنای تعمیرنده مدفنرك چینیلی سوکولمش و یازیلرك ترتیبائی تمامیله بوزلمش اولدیقندن مدفون اولان سکز ذاتدن دردینك کیملر اولدینی بیلنه مەمش ویا لککز رکن الدین مسعود ، عزالدین قلیچ ارسلان ثانی ، غیاث الدین کیخسرو اول ، علاء الدین کیقباد اولك اسملری الحاله هذه موجود اولان کتابه پارچه لرنده کورلمکده و بودرت ذاتک تربه مذکورده ده دقین خاک غفران اولدقارینه حکم ایلمکده در . تربه ده محفوظ ۳۸۳ تاریخسده یازلمش ایکی جلد اوزرینه مرتب بر مصحف شریف ایله کوموش قاقالی فایت کوزل بر شمعدان و سلجوقیلره عائد قرمزلی ویشیل بزردن معمول و اوزرنده کله توحید محرر برده بیراق واردر .

جامع شریفک خارجه کلنجه : جییه سی وحید الاشکال و مستوی دکلدرد . ایلك نظرده مکرراً تعمیر کوردیکی مشاهده اولنقده در . جبهده آلی عدد کتابه واردر که سول طرفندن صره ایله شونلردر : برنجی کتابه : (امر تمام هذا الجامع المبارك السلطان المعظم علاء الدین والدين ابو الفتح کيقباد بن السلطان الشهيد کیخسرو بن قلیچ ارسلان برهان امیر المؤمنین)

بو کتابه سلاطین سلجوقیه نك یدنجیسی علاء الدین اول نامنه یازلمش و (تمام) کله سندن ده جامع شریف مذکورک کندیلری طرفندن آتمام ایدیلبیکی آکلاشیلمشدر . بو کتابه ده پدري کیخسروک شهید صفتیله توصیف ایلمه سی ایسه مشارالیهک آلاشیر تکفوریه ایتمش اولدینی بر محاربه ده احراز شهادت ایتمش اولماسندردر .

ایکنجه کتابه : (المتولی ایازالانابکی عمل محمد بن حولان الدمشقی)

بورادہ کی (ایاز) ایلہ دردنجی کتباہدہ کی (ایاز) ک زا ایلہ یازلسی اثر سہودر . طوغروسوی اوچنجی کتباہدہ کورولدیکی وجہ ایلہ سین ایلہ (ایاس) در . (امیراسدالدین ایاس) نامندہ امرای سلجوقیہ دن بر ذاتک بولندیفی وحتی بو ذاتک اردو قوماندانلقلرنندہدہ استخدام اولندیفی تاریخ کتابلرنندہ تصادف ایدلمشدر . معمارینک سوریلہ اولدیغنی دہ بو کتباہدن آ کلامقدہ بز .

اوچنجی کتباہ : (بسم اللہ الرحمن الرحیم امر بعمارۃ هذا الجامع السلطان الغالب عز الدنیا والدين سلطان البر والبحرين ابو الفتح كيكائوس بن كاخسرو بن قلیج ارسلان برهان امیر المؤمنین فی شہور سنہ ستہ عشر وستمانہ بتولی العبد المحتاج الی رحمۃ اللہ ایاس الانابکی)

بو کتباہ عزالدین کیکائوس نامندہدر . مشارالہ سلاطین سلجوقیہ نک آلتنجیسی وسلطان علاءالدینک بویوک برادریدر . سیواسدہ ارتحال ایتمش واورادہ کندی بنا کردہ سی اولان تربہ یدفن ایدلمشدر . (السلطان الغالب) کندیلرینہ مقام خلافتک ویردیکی بر عنواندر . مشارالہ سینوبی فتح ایتمش ومژدئہ فتحی ایصال ایچون علمای محلہ دن شیخ مجدالدین اسحاقی برچوق ہدیہ لرلہ طرف خلافتہ اعزاز ایلہ مشدی . جواباً کلن مشورده کندینہ السلطان الغالب عنوانی ویرلمشدر .

دردنجی کتباہ : (بسم اللہ والسلام علی رسول اللہ تم هذا بیت اللہ السلطان المعظم علاء الدنیا والدين ابو الفتح کیقباد بن السلطان الشہید کاخسرو بن قلیج ارسلان بن مسعود ناصر امیر المؤمنین علی ید العبد الفقیر المحتاج الی رحمۃ اللہ ایاز متولی الانابکی سنہ سبع عشر وستمانہ)

بو کتباہدہ عزالدین کیکائوسک ۶۱۶ تاریخندہ توسیماً تعمیرینہ مباشرت ایتدیکی جامع شریف مذکورک برسنہ صوکرہ برادر ی علاءالدین طرفدن آتمام ایدلدیکنی اثبات ایتکدہدر .

بشنجی کتباہ : (امر ببناء هذا المسجد و التربة المعتبرة السلطان

• الد ب • . دنیا والدین ابو الفتح کیتباد ابن السلطان الشہید کی خسرو
بن قلیج ارسلان ناصر امیر المؤمنین بتولی العبد ایاز الانابکی من سنہ ستہ
عشر و ستمانہ)

بو کتابہ دہ سلطان علاء الدینک ۶۱۶ سنہ سندہ بو مسجد ایلہ
ترہ نیک بناسنی امر ایتمش اولدینی کوریلپور . حالبوکہ بوراسی مسجد
دکل جامعہ . . . مسجد حرام ، مسجد اقصی کبی جامعہ مسجد
اطلاقک وقوعی اثبات ایدلسہ بیلہ بو جامعک علاء الدین طرفندن بنشاء
ایدلس اولسی طوغری دکلدہر . چونکہ جامع شریفک آلتمش آتی سنہ
اول رکن الدین مسعود طرفندن تاسیس ایدلس اولدینی اولجہ بیان
ایدلمشدی . ترہ نیک دہ کذا علاء الدین طرفندن بنسا ایدلسی طوغری
اولہ ماز . چونکہ ترہ نیک کمرندہ کی کتابہ دہ بانینسک ایکنجی قلیج ارسلان
اولدینی صراحتہ کورلمکدہ در . بو مابیتی رفع ایدہ یلمک ایچون ایکی
جہت وارد خاطر اولپور :

برنجی جہت بو کتابہ نیک علاء الدین طرفندن تحریف ایدلس اولماسیدہر .
حقیقہ بو کتابہ دہ کی کیتبادک کی کاوسدن بوزمہ اولدینی ایلك نظر دہ
کوزہ جاریمقدہ و بردہ خلیفہ اسلام طرفندن کی کاوسہ ویرلس اولان
سلطان العالیب عنوانک دہ عین تجاوزه معروض اولدینی حس اولنمقدہ در .
بوندن بشقہ کتابہ نیک تاریخی اولان ۶۱۶ سنہ سیدہ کی کاوسک زمان سلطنتہ
مصادف بولنمقدہ در . بو کتابہ دہ تحریف کیفیتنی قبول ایتمکله برابر اوچنجی
کتابہ بزی ینہ دوچار مشکلات ایدیور . اگر سلطان علاء الدین بویوک
برادری کی کاوسک اسنی جامع شریفک جہ سندن قالدیرمق و اوقوت تمامق
ایتمش اولسیدی عین جہدہ اوچنجی کتابہ دن دہ قالدیرمسی و تحریف
ایتمسی لازم کیردی . حالبوکہ مذکور کتابہ یہ هیچ طوقوت تمامش و اوننی
عینلہ محافظہ ایتمشدہر .

ایکنجی توجیہ ایسہ ، مذکور کتابہ نیک بو جامعہ عائدیتی قبول

ایتم‌مکدر . هر حالده کیکاوس طرفندن ۶۱۶ تاریخنده یاپدیلمش و صوکره بیقلمش باشقه برتربه و مسجده عائد اولان مذکور کتابه مؤخرآ بوجامعله مناسبتدار اولدینی ظن ایدیلرک انهای تعمیرده بورایه کتیریلوب وضع اولمشدر . تحریفک محقق اولدینه کوره یاسلطان علاءالدین طرفندن اصل عائد اولدینی تربه و مسجده اوزرنده ایکن تحریف یاخود بورایه کتیروب وضع ایدنر طرفندن علاءالدین نامنه تصحیح ایدمشدر . آلتنجی کتابه : ساغده کی قیونک اوستنده مدور برجینی اوزرینه بیاض حرفلره یازلمش و بونک اطرافنی صنعتکارینک نامنی و تاریخ اعمالنی کوسترن دیکر برکتابه ایله دائراً مادار چورلمشدر .

(السلطان المعظم علاءالدینیا والدین) (عمل کریم‌الدین اردشاه درشهور سنه سبع عشر و ستانه از هجرت بینامبر علیه السلام)

بو کتابه نیک ده صوکره دن بورایه کتیریلوب قونمش اولماسی اغلب احتمالدر . یالکر جینی اعمال ایدنرک ایرانلی اولدینی کوستردیکی ایچون حائر اهمیتدر . غرب جهنده ایکی کتابه وارددر . بونلردن بریسی دیواره کوملمش ، دیکری ده بلاشبه باشقه بریردن کتیریلوب اورایه قونمشدر .

برنجیسی : (السلطان المعظم علاءالدینیا والدین ابوالفتح کیقباد بن کیخسرو بن قلیج ارسلان)

ایکنجیسی : (السلطان الد . . . عزالدینیا والدین ابوالفتح کیقباد بن کیخسرو برهان امیرالمؤمنین)

شو صوک کتابه ده کی سلطان غالب ده کیکاوسه عائد اولدینی حالده کیقباد نامنه تحریف ایدمشدر . بو تحریف کرک علاءالدین طرفندن اجرا ایدلسون و کرکسه باشقهری طرفندن یاپلسون مذکور کتابه ده هر حالده بو مؤسسه‌یه عائد دکلدر .

جامع شریف داخلنده کی مضع منبره کلنجه قونیه ده کی آثار اسلامیة نیک تاریخاً الک اسکینی بودر . باشقه باشقه یازیلرله اوزرنده اوچ مهم کتابه وارددر :

برنجی کتابہ سلطان مسعود نامہ اولوب خط کوفی ایلہ یازلشدیر :
 (عزالدینیا و الدین ابو الفتح مسعود بن قلیج ارسلان ناصر امیر المؤمنین)
 مسعود سلاطین سلجوقیہ نیک دردنجیسیدر . یاریم عصرہ قریب اجرای
 حکومت و ۵۵۹ دە ارتحال دار آخرت ایتمشدر . عنوان مشہوری
 « رکن الدین » اولدینی خالدہ بورادہ « عزالدینیا و الدین » کورولمکدہ در .
 اسلام کتابہ لری ایلہ متوغل برذات بوکا اثرسہودیورسہ دە دوعری دکلدر .
 چونکہ کمال اعتنا ایلہ ترتیب و تخریر اولمش بر کتابہ دە کی عنوان حکمداریدہ
 سہوک و قوعی مستبعددر . بڑہ قالیرسہ رکن الدین ، عزالدین ، غیاث الدین ،
 علاء الدین کی عنوانر ثابت بر شی دکلدر . بونار دولت عثمانیہ دە کی
 القاب رسمیہ کی بعضاً ترفیع و ترقی ایلہ تبدلہ معروض اولہ بیلیر . سلطان
 مسعود اوچنچی کتابہ نہایتدہ کی تاریخدن مستبان اولدینی وجہلہ مذکور
 منبری ارتحالندن برسہ مقدم اعمال ایتدیرمشدر . اولجہ عنوانی رکن الدین
 اولدینی خالدہ صوک زمانرندہ مقام خلافتدن عزالدین عنوانی آلمش
 اولماسی احتمالی دہا معقول و موافقدر .

ایکنچی کتابہ : (السلطان المعظم شاہنشاہ الاعظم سید سلاطین العرب
 و المعجم مالک رقاب الامم عزالدینیا و الدین رکن الاسلام و المسلمین فخر الملوك
 و السلاطین نصیرالحق بالبراہین قاتل الکفرۃ و المشرکین غیاث المجاہدین
 حافظ بلاد اللہ ناصر عباد اللہ معین خلیفۃ اللہ سلطان بلاد الروم و الارمن
 و الافرنج و الشام ابو الفتح قلیج ارسلان بن مسعود بن قلیج ارسلان
 ناصر امیر المؤمنین ادام اللہ سلطانہ و ضاعف اقتدارہ)

منبرک انشاسندن بر سنہ صوکرہ جالس سلطنت اولان ایکنچی قلیج
 ارسلان بو کتابہ بی ثلث قیرمہ سی بر یازی ایلہ منبرک چارچیوہ سنک
 اطرافندہ کی چوقور سیلمہ نیک اوزرینہ حک ایتدیرمشدر . کتابہ ،
 مشارالہک اوزمان اخذ ایتمش اولدینی بوتون القاب و اوصافی احتوا ایتہ سی
 اعتباریلہ اہمیت مخصوصہ بی حائردر .

اوپنجهی کتابه : (عمل اساد مکی [دیونی] الحاحی الاخلاطی و فرع مه فی رحب سنه حسین و حمسه مائه) .

بوکتابه پک عادی و غیرمنتظم بریازی ایله یازلمشدر . نقطه سز حرق لوله محرور اولماسندن طولانی اشارت ایچنه آنان کله نیک ناصل اوقونمسی لازم کله چکی ییلنه مه مش و یالکنز عاملنک مکالی و مؤخرآ اخلاطی اولدینی و اصلاً بدایع پروران عربدن بر استاد ماهر بولندینی تعین ایده ییلمشدر . منبرک ۵۵۰ تاریخنده اعمال ایدلش اولدینغه و قلعج ارسلانک ده ۵۵۱ سنه سنده جلوس ایتدیکنه نظرآ رکن الدین مسمود بومنبری صوک کونلرنده اعمال ایتدیرمش دیمکدر .

منبرک قاپو قنادرلندن بریسی اولجه سرقت اولونمش دیکری ایسه استانبولده کی عمومی موزه یه کوندرلمشدر . آبونوسدن معمول اولدینی ارباب اختصاص طرفدن سویلنمکده در .

شرق جهتمده کی قاپونک اوزرنده جامعک صوک تعمیرنه عاڈ مملکتمز اشراقندن مجیدی زاده طاهر پاشا مرحومک شو منظومه تاریخیه سی محرردر :

حضرت عبد الحمید خان دیانت پروری	نعت اجلانده دائم ایله سون رب رحیم
ایدی تأیید و توفیق بیله ملک و ملتی	مرکز عمرانه ایصال ایتدی بر نهج قدیم
رخنه لر پیدا ایدوب دست شتون و آزمنه	مدرس اولشکن ایشته بونمازگاہ قدیم
قونیه و البسی سروری بنده سی عرض ایله یوب	ایلدی تجدیدینه فرمان خاتان حکیم
سویله دی طاهر قول تاریخ جوهر دارینی	بو عبادت کاه تجدید ایتدی سلطان کریم

قونیه ده موجود مؤسسات اسلامییه میاننده شایان ذکر و زیارت بر مؤسسه ده قره طای حضرت تارینک مدرسه سیدر . بوکون قره طای کبیر مدرسه سی دیمکله معروف اولان بو دائره یی زیارت ایدنلرک مر مردن معمول و غایت مصنع اولان قاپوسنه توجه ایدرکن اوراده بر قاج دقیقه وقفه کزین حیرت اولماماسی قابل دکلدر . بو قاپونک جبهه سنده و صاغ ،

صول جہترندہ قابارتہ اولہرق حک ایدلش اولان (رب اوزغنی ۰۰۰۰) آیت جلیلہ سبلہ جوامع الحکم اطلاقہ سزاوار اولان بروجہ زیر احادیث شریفہ بوتون علویت وروحانیتلہ نظرلرہ چارمقدہ در : (الاعمال بالنیات والجالس بالامانات ، المستشار مؤتمن ، المدۃ عطیۃ ، المدۃ دین ، الحرب خدعۃ ، النوم نوبۃ ، الجماعۃ رحمۃ ، الفرقۃ عذاب ، الامانۃ غنی ، الدین النصیحۃ ، الحسب المال ، الکرم التقوی ، السلام قبل کلام ، السؤال نصف العلم ، الدعاء هو العبادۃ ، الدین شین الدین ، التذیر نصف العیش ، التودد نصف العقل ، الهم نصف الہرم ، الحیر عاۃ ، الشر لاجبۃ ، السباح رباح ، المرشوشوم ، الحزم سوء الظن ، الولد منجلۃ لجنبہ ، البناء من الجفاء ، القرآن هو الدعاء)

مدرسہ نک بانیسلہ تاریخ بناسنی وسلاطین سلجوقیہ دن یدی فانک اسمارنی احتوا ایدن شوکتابہ مہمہدہ قابونک بالاسندہ محرردر :
(قال الله تعالى ان الله لا يضيع اجر المحسنين . امر بهذه العمارة المباركة في ايام دولة السلطان الاعظم ظل الله في العالم علاء الدنيا والدين ابو الفتح كیکاوس بن کیکسرو بن کیکباد بن السلطان الشہید کیکسرو بن قلیچ ارسلان بن مسعود بن قلیچ ارسلان قرہ طای بن عبداللہ فی شہور سنہ تسع واربعین وستمائہ غفر اللہ لمن اعمرہ)

بوکتابہ مدرسہ مذکورہ نک ایکنجی کیکاوسک زمانندہ و ۶۴۹ تاریخندہ (قرہ طای بن عبداللہ) طرفدن انشا ایدلدیکنی وسلطان مشار الیہکدہ برنجی قلیچ ارسلانہ قدر صرہ سبلہ اجدادینک کیملر اولدینتی کوسترمہ سی اعتباریلہ حائر اہمیتدر . بو عتشم قابودن ایجرمی یہ کیریلنجہ اولدنجہ کینش بر بوشلق کوریلیر کہ بونک بر قسم مہمنی صوکرہ دن یایلان مدرسہ نک عادی حجرہ لر می اشغال ایتکدہ در . بو بوش محکدہ وقیلہ قایل ی اولدینی وحقی بویوک قابوایلہ بویوک قبہ آراسندہ بشقہجہ مزین برقبہ دہا بولندینی آمار باقیہ سندن استدلال ایدلکدہ در . بویوک قبہ نک

داخلہ کلنجہ بونک ہر طرفی چینی ایلہ قاپلانمش واوزری برطاقم نقوش بدیعہ وخطوط قرآنیہ ایلہ تزیین ایدلمش در . ہر زاویہ سندن مرکزہ عمود اولق اوزرہ رسم ایدیلن درت بویوک مثلث گوشہ بندلرہ خط کوفی ایلہ نام حضرت پینمبری وچہاریار کزین حضرتک اسامی شریفہ سی او قدر صنعتکارانہ یازلمشدرکہ انسان قولای قولای یازی اولدینقی فرق وتمیز ایدہمز . قدیم ہجرہ لردن بوکون ہیچ بر اثر قالمش وقبہ داخلندہ کی قابو عملری دہ تمامیلہ قابلمشدر . قبہ یہ متصل مسجدک چینی تزییناتی دہ ہردلو ستایشک فوقندہ در . یالکز اتسالندہ کی قرہ طایک مدفون اولدینی تربہ پریشان بر حالہ وقبرینک اوزرنندہ کی صندوقہ علی العادہ در . بانی مدرسہ قرہ طای حضرتلری اعظم وزرای سلجوقیہ دن اولوب امیر جلال الدین عنوانیلہ معروف بر ذات عالیقدر ایدی . مشار الیہک علامہ الدین اولادہ بر مدت خدمت ایتدیکی مشہور وقایع کتابلرنندہ مذکوردر .

قرہ طایک مذکور مدرسہ سی ۶۴۹ تاریخندہ یاپدیردینقہ و علامہ الدین اولادہ ۶۳۴ سنہ سندہ ارتحال ایتدیکنہ باقیلرہ امیر قرہ طایک اوزون بر عمر سوردیکنہ و مدرسہ سی دہ حیانتک صوک کونلرنندہ وجودہ کتیردیکنہ حکم ایدیلر . قرہ طایک اساساً زہلی اولدینی بیلہ میور . یالکز آنطالیہ دہ الآن نامنہ مضاف بر محلہ نک بولنمسی و مدرسہ مذکورہ یہ عائد تنظیم ایتش اولدینی وقعیہ دہ آنطالیہ دہ کندی بنا کردہ سی اولان بر (دارالصلحا) دن بحث ایتش اولماسی کوستریبورکہ مشار الیہک موقع مذکور ایلہ ہر حالہ بر مناسبتی واردر . آنطالیہ یا کندیلرینک وطن اسایلریدر ، یا خود ولایت و سائر مأموریت مناسبتیلہ اوراسنی وطن ثانی اتخاذ ایتشدر .

مشار الیہک ایکی برادری دہا واردی . بونلرک الکبویوکی (کمال الدین) نامندہ بر ذات اولوب ہم وزرادن ، ہم دہ مشاہیر اطباء دن ایدی . بومدرسہ نک قارشوسندہ کی کوچک قرہ طای دیملکہ معروف اولان دیگر

مدرسہ یی دہ مشار الیہ کمال الدین یابدیرمشدر . بونک دہا مقدم انشا اولدینی جلال الدین قرہ طایک و ققیہ سندہ بالمناصبہ ذکر اولنمش بولنسیلہ میندرو اولجہ پک مصنع و مزین اولدینی روایت ایدلمکده بولنمشدر . ایکنجی و کوچوک برادری (سیف الدین سپسالار) نامندہ کی ذاترکہ بودہ رجال مهمہ سلجوقیہ دن در . اصل اسمی (قرہ سنقرین عبداللہ) ایدی . مشاہیر علمای اسلامیہ دن (جلال الدین رومی) ، (شمس الدین ماردینی) کی برچوق اعظمک بورادہ کرسی تدریسہ کچمہ لریلہ قرہ طای مدرسہ سی و قتیلہ پک پارلاق دورلر کچیرمشدر .

قونیہ حمدی زاده

عبدالقادر

قونیہ تک پک قدیم برعائلہ سنہ منسوب اصیل و فاضل برذات اولان مدرس حمدی زاده عبدالقادر افندیکنک « قونیہ دہ مؤسسات اسلامیہ » نامیلہ یازدقتری کلیاتدن بر مقالہ یی مجموعہ حزرده نشر ایدیوروم . قونیہ دہ حسبالمأمورہ اقامت ائناسندہ کندیلرینک نفس قونیہ دہ سلجوقیلرہ و قرہ مان اوغلرینہ عائد آثار حقندہ نہ قدر مهم تبعاتدہ بولونمش اولدقترینہ واقف اولمش ایدم . بورادہ شو برایی سطرلہ بو فاضل ذات حقندہ دویدیم حرمتک بیانی وجیبہ دن عد ایتدم .

عثمان فرید